

Fundargerð 190. fundar sveitarstjórnar Flóahreppi

Fundarstaður: Þingborg
Fundardagur: Miðvikudagur 16. ágúst 2017
Fundartími: 13:30 – 15:30
Fundarmenn: Árni Eiríksson oddviti
Margrét Jónsdóttir
Svanhvít Hermannsdóttir
Sigurbára Rúnarsdóttir
Rósa Matthíasdóttir
Eydís Þ. Indriðadóttir, sveitarstjóri

Árni Eiríksson setti fund, bauð fundargesti velkomna og leitaði athugasemda við fundarboð. Samþykkt að fundargerð verði rituð á tölvu sbr. 23. gr. sveitarstjórnarlaga. Við dagskrána bætist við liðurinn Önnur mál: a) Þátttaka í Útsvari og b) fundartími næsta sveitarstjórnarfundar.

Eydís Þ. Indriðadóttir sveitarstjóri ritaði fundargerð.

Dagskrá:

Skipulagsmál:

1. Fundargerð Skipulagsnefndar Uppsveita nr. 137, dags. 06.07.2017

a) Kjartansstaðir 166242: Kjartansstaðir 2: Stofnun lóðar – 1707005

Lögð fram umsókn Þorvalds Sveinssonar dags. 19. júní 2017 um stofnun 10,2 ha lóðar úr landi Kjartansstaða lnr. 166242 utan um núverandi íbúðarhús. Gert er ráð fyrir að ný spilda fái nafnið Kjartansstaðir 2 og að land Kjartansstaða eftir landskipti verði 77 ha.

Skipulagsnefnd gerir ekki athugasemd við stofnun nýrrar lóðar og að hún fái heitið Kjartansstaðir 2. Ekki er heldur gerð athugasemd við afmörkun jarðarinnar Kjartansstaðir 1, með fyrirvara um samþykki eigenda aðliggjandi landa. Ekki er gerð athugasemd við landskipti skv. 13. gr. jarðalaga.

Sveitarstjórn samþykkir afgreiðslu skipulagsnefndar með 5 atkvæðum.

b) Laugardælur: Golfvöllur Selfoss við Svarfhólsvöll: Aðalskipulagsbreyting – 1601028

Lögð fram tillaga að breytingu á aðalskipulagi Hraungerðishrepps 2003 – 2015 Flóahreppi, á svæði úr landi Laugardæla. Svæðið er í dag skilgreint sem blönduð landnotkun íbúðarsvæði og opins svæðis til sérstakra nota. Er breytingin gerð vegna fyrirhugaðrar stækkunar golfvallar, Svarfhólsvallar, og breytist íbúðarsvæði 14 og að hluta íbúðarsvæði 15 í opið svæði til sérstakra nota. Þá breytist um 4 ha landbúnaðarsvæði í opið svæði til sérstakra nota. Tillagan var auglýst 24. maí 2017 með athugasemdafresti til 6. júlí.

Skipulagsfulltrúa er falið að vera í samráði við eigendur Laugardæla um vegamál áður en sveitarstjórn tekur breytinguna til endanlegrar afgreiðslu.

Sveitarstjórn frestar afgreiðslu málsins þar til skipulagsfulltrúi hefur náð að vinna málið í samráði við landeigendur.

Samþykkt með 5 atkvæðum.

c) Svarfhólsvöllur lnr. 166322: Golfvöllur: Deiliskipulag – 1706076

Lögð fram umsókn Sveitarfélagsins Árborgar dags. 20. júní 2017 um að deiliskipulag fyrir Svarfhólsvöll úr landi Laugardæla verði tekið til afgreiðslu.

Að mati Skipulagsnefndar þarf að tryggja að ekkert ósamræmi sé milli aðalskipulagsbreytingar sem nú er í auglýsingu og deiliskipulags áður en deiliskipulagið verður auglýst. Skipulagsfulltrúa falið að vera í samráði við umsækjendur og eiganda aðliggjandi lands áður en sveitarstjórn tekur málið til afgreiðslu.

Sveitarstjórn frestar afgreiðslu málsins þar til skipulagsfulltrúi hefur náð að vinna málið í samráði við landeigendur.

Samþykkt með 5 atkvæðum.

d) Afgreiðslur byggingarfulltrúa – 17 – 57 - 1706004F

Lagðar fram til kynningar afgreiðslur byggingarfulltrúa frá 21. júní 2017.

2. Fundargerð Skipulagsnefndar Uppsveita nr. 138 dags. 15.08.2017

Afgreiðslu frestað – Samþykkt með 5 atkvæðum

3. Sameiginleg lögreglusamþykkt fyrir sveitarfélög í umdæmi lögreglunnar á Suðurlandi – síðari umræða

Lögð fram til síðari umræðu „Sameiginleg lögreglusamþykkt fyrir sveitarfélög á Suðurlandi.“

Sveitarstjórn Flóahrepps samþykkir Sameiginlega lögreglusamþykkt fyrir sveitarfélög á Suðurlandi með 5 atkvæðum.

4. Erindi frá Víði Reynissyni – almannavarnarvikur í sveitarfélögum

Lagt fram erindi frá Víði Reynissyni fyrir hönd lögreglustjórans á Suðurlandi. Þar eru kynntar hugmyndir um sérstakar almannavarnarvikur í sveitarfélögum í umdæmi lögreglustjórans. Hugmyndir eru um að unnið verði að verkefnum tengdum almannavörnum og lagt til að lykilstarfsmenn sveitarfélaganna taki þátt. Fundað yrði með viðbragðsaðilum og í lok vikunnar haldinn íbúafundur þar sem almannavarnarmál yrðu kynnt og sérfræðingar á tilteknu sviði væri fengnir til að kynna það sem áhugavert væri. Lögreglustjóri leggur til að almannavarnarvika í Flóahreppi verði dagana 23. – 26. október næstkomandi. Sveitarstjórn lýsir ánægju með framkomna hugmynd og staðfestir tillögu að fyrirhugaðri tímasetningu fyrir Flóahrepp.

Samþykkt með 5 atkvæðum.

5. Vinátta í verki – söfnun vegna náttúruhamfara á Grænlandi

Lögð fram til afgreiðslu styrkbeiðni vegna landssöfnunarinnar „Vinátta í verki“ vegna náttúruhamfara á Grænlandi.

Sveitarstjórn samþykkir með 5 atkvæðum styrk kr. 50.000. Bókast á lykil 2101-4120.

6. Frá Nefndarsviði alþingis – framlengdur frestur 438. og 439. mál

Lagt fram til kynningar.

7. Umsókn um stofnun lögbýlis – Hólmasel 2 ásamt ósk um breytingu á nafni

Óskað er umsagnar sveitarstjórnar vegna stofnunar lögbýlis á jörðinni Hólmasel 2 fastanúmer 236-4311 sem er 58,1 ha að stærð.

Óskað er eftir því að nafni jarðarinnar verði breytt í Árheimar.

Sveitarstjórn gerir ekki athugasemd við stofnun lögbýlisins en vísar umsögn um nafnbreytingu til skipulagsnefndar Uppsveita.

Samþykkt með 5 atkvæðum.

8. RK - Rammasamningur

Sveitarstjórn Flóahrepps frestar afgreiðslu.

Samþykkt með 5 atkvæðum.

9. Ljósleiðarakerfi í Flóahreppi, forhönnun og kostnaðarmat – uppfærsla á skýrslu Verkfræðistofunnar Eflu frá árinu 2012

Lögð fram uppfærð kostnaðar- og verkáætlun Verkfræðistofunnar Eflu dags. 26.06.2017.

Ákveðið að kynna sér hvaða leiðir hafa verið farnar hjá öðrum sveitarfélögum og kanna möguleika á samstarfi við nágrannasveitarfélögin vegna ljósleiðaratenginga. Sveitarstjóra falið og vinna að undirbúningi á styrkumsókn til Fjarskiptasjóðs í samráði við Tæknisvið Uppsveita.

Samþykkt með 5 atkvæðum.

10. Tilboð í fasteignina Brandshús 4

Lagt fram tilboð frá Ragnari Sigurjónssyni kt. 140652-4829 og Sigríði Oddnýju Stefánsdóttur kt. 150657-2029 í húseignina Brandshús 4. Tilboðið hljóðar upp á 25 milljónir. Áhvílandi eftirstöðvar lána með verðbótum eru kr. 19.633.884.

Sveitarstjórn Flóahrepps samþykkir fyrirbyggjandi tilboð með 5 atkvæðum.

11. Fjárhagur – yfirlit

Lagt fram til kynningar yfirlit úr fjárhagsbókhaldi Flóahrepps fyrstu 6 mánuði ársins.

12. Trúnaðarmál

Fært í trúnaðarmálabók.

13. Fundargerðir:

a) Sveitarstjórnar Flóahrepps nr. 189, dags. 26.06.2017

Fundargerðin lögð fram til kynningar.

b) HES nr. 180 dags. 10.08.2017

Fundargerðin lögð fram til kynningar.

c) Stjórnar SASS nr. 521, dags. 21.06.2017

Fundargerðin lögð fram til kynningar.

d) Sambands íslenskra sveitarfélaga nr. 850, dags. 19.05.2017

Fundargerðin lögð fram til kynningar.

14. Efni til kynningar:

a) Frá Vegagerð ríkisins – svar við umsókn um fjáveitingu til styrkvega

b) Frá íbúðalánsjóði – eignir til sölu í Flóahreppi

c) Frá ríkisskattstjóra – álagningaskráin liggur frammi á skattstofunni á Hellu

d) Frá Fasteignamati ríkisins – Tilkynning um fasteignamat 2018

e) Frá Forsætisráðuneytinu vegna þjóðlendna

15. Önnur mál:

a) Þátttaka Flóahrepps í Útsvari

Sveitarstjórn samþykkir með 5 atkvæðum að skrá Flóahrepp til leiks í Útsvari, spurningakeppni Sjónvarsins. Óskað er eftir ábendingum frá íbúum um 3 aðila til þess að vera fulltrúar sveitarfélagsins í keppninni.

b) Næsti fundur sveitarstjórnar Flóahrepps

Verður haldinn miðvikudaginn 13. september klukkan 13:30.

Árni Eiríksson oddviti
Margrét Jónsdóttur
Svanhvít Hermannsdóttir
Sigurbára Rúnarsdóttir
Rósa Matthíasdóttir
Eydís Þ. Indriðadóttir,

